




Lotua 'e Nīfai 'a e Kakaí


Te ke lava 'o lau 'a e talanoa ko 'ení
'i he Hilamani 7:10-17 mo e 8:7-10.



Ko Nīfai ko ha palōfita. Na'e fakatauhingoa ia kia Nīfai 'a ia na'á ne 'omi 'a e 'ū lau'i peleti palasá. Na'e hoha'a fekau'aki mo e kakaí. Kuo 'ikai ke nau toe muimui ki he 'Otuá.



Na'e 'alu 'a Nīfai ki he'ene ngoué. Na'á ne kaka 'i ha taua 'i he ngoué 'o lotu ai ki he 'Otuá. Na'á ne lotua 'a e kakaí.



Na'e fakatokanga'i 'e ha kakaí 'e ni'ihí 'a Nīfai 'i he tauá. Na'a nau tu'u 'o fakafanongo mo tānaki mai e ni'ihí kehe ke fanongo. 'I he 'osi e lotu 'a Nīfai, na'á ne fakatokanga'i 'oku nau sio kiate ia peá ne kamata ke ako'i kinautolu.



Na'e kole 'e Nīfai ki he kakaí ke nau fakatomala. Na'e 'ikai ke sai'ia ha ni'ihí 'i he me'a na'e ako'i 'e Nīfai. Ka na'e fakafanongo ha ni'ihí tokolahi kehe! Na'a nau fili ke fakatomala mo liliu honau ngaahi halá. ●

'O TA FAKATATA 'A ANDREW BOSLEY